

आओ मैया आज म्हारे आंगने

(नमो नमो अम्बे दुःख हरनी,
नमो नमो दुर्गे सुख करनी,
नमो नमो शेरोवाली माँ,
नमो नमो भयहारिणी।)

आओ जी आओ मैया,
आज म्हारे आंगने।
भगत बुलावे थाने आया सरसी,
भगत बुलावे थाने आया सरसी,
आओ जी आओ मैया,
आज म्हारे आंगने।

था बिन म्हारी कुण सुणेलो,
इण मनडे री बातइली,
दर्शन री ये प्यासी अँखियाँ,
जोवे थारी बाटइली,
भर भर आवे है यो हिवडो म्हारों,
थाने ही धीरज बँधाया सरसी,
आओ जी आओ मैया,
आज म्हारे आंगने।

थे ना सुणोला म्हारी बातां,
किण जाय सुणावा जी,
थे हो दाती म्हें हाँ सेवक,
थारो ही ध्यान लगावा जी,
थे ही सुणोला और,
थारे थाने ही सुणावाला,
म्हारो भी दुखडो मिटाया सरसी,
आओ जी आओ मैया,
आज म्हारे आंगने।

ईब तो आओ दरश दिखाओ,
क्यों इतना तरसाओ जी,
ताराचंद कवे भक्तो री नैया,
आ कर पार लगाओ जी,
अटक ना जावे नैया,
बीच मँझधार में,
थाने ही पार लगाया सरसी,
आओ जी आओ मैया,
आज म्हारे आंगने।

आओ जी आओ मैया,

आज म्हारे आंगने,
भगत बुलावे थाने आया सरसी,
भगत बुलावे थाने आया सरसी,
आओ जी आओ मैया,
आज म्हारे आंगने.....

<https://bhajanganga.com/bhajan/lyrics/id/24131/title/aao-mayia-aaj-mhare-aangne>

अपने Android मोबाइल पर [BhajanGanga](#) App डाउनलोड करें और भजनों का आनंद ले |